

ს ა ქ ა რ თ ვ ე ლ ო ს უ ზ ე ნ ა ე ს ი ს ა ს ა მ ა რ თ ლ ო



გამარტივებული ელექტრონული ტენდერი

შენობის დასრულების სამუშაოები

CPV45400000

დაფინანსების წყარო – სახელმწიფო ბიუჯეტი

სავარაუდო ღირებულება – 90 000 ლარი

ს ა რ ჩ ე ვ ი

1. ინსტრუქცია ტენდერში მონაწილეობის მისაღებად ----- 3 გვ.
2. ტექნიკური პირობები ----- 4 გვ.
3. წარმოსადგენი დოკუმენტაციის ჩამონათვალი ----- 6 გვ.
4. სახელმწიფო შესყიდვების შესახებ ხელშეკრულების პროექტი ----- 4 გვ.
5. დანართი №2 - სატენდერო წინადადების ფორმა ----- 11 გვ.
6. დანართი №1 - ფასების ცხრილი (ხარჯთაღრიცხვა) იხ. მიმაგრებული ფაილი.

ს ა კ ო ნ ტ ა ქ ტ ო პ ი რ ე ბ ი

თემურ უშვერიძე:

ტელ: 299 09 62; 577 55 77 37;
ელ.ფოსტა: temuri07@yahoo.com

ტექნიკურ საკითხებთან დაკავშირებით
კახა ჯალაღონია:

ტელ: 599 92 00 66.

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. ტენდერში მონაწილეობის მსურველმა პრეტენდენტებმა უნდა იმოქმედონ ზ/აღნიშნულ ნორმატიულ აქტებში მოთხოვნილი პირობების სრული დაცვით.

1.2. გამარტივებული ელექტრონული ტენდერი ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით. სატენდერო განცხადებისა და სატენდერო დოკუმენტაციის გაცნობის ვადა შეადგენს არანაკლებ ერთ სამუშაო დღეს სატენდერო განცხადებისა და სატენდერო დოკუმენტაციის სისტემაში განთავსების მომენტიდან. ამ ვადის დასრულებიდან ორი სამუშაო დღის განმავლობაში პრეტენდენტს შეუძლია სისტემის საშუალებით წარადგინოს წინადადება ქართულ ენაზე და ელექტრონული ვაჭრობის გზით შეცვალოს წარმოდგენილი წინადადების ფასი კლებადობის პრინციპითა და ფასის კლების ბიჯის გათვალისწინებით. იმ შემთხვევაში, თუ გამოცხადებულ გამარტივებულ ელექტრონულ ტენდერში სატენდერო წინადადების მიღების დასრულების ვადა ემთხვევა შაბათ-კვირას ან უქმე დღეს, სატენდერო წინადადების მიღების ვადა დასრულდება მომდევნო სამუშაო დღეს.

1.3. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.4. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

1.5. ხელშეკრულების ფორმა და პირობები მოცემულია სატენდერო დოკუმენტაციაში ხელშეკრულების პროექტის სახით, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური პირობები

2.1. შესასრულებელი სამუშაოს დეტალური აღწერა მოცემულია ფასების ცხრილში (ხარჯთაღრიცხვა - დანართი N1), რომელიც სისტემაში ატვირთულია Excel-ის ფაილის სახით და წარმოადგენს წინამდებარე სატენდერო დოკუმენტაციის განუყოფელ ნაწილს.

2.2. სამუშაო პროცესში გაუგებრობის თავიდან აცილების მიზნით, უზენაესი სასამართლოს შენობის სპეციფიკიდან გამომდინარე, სასურველია ტენდერში მონაწილეობის მსურველმა პრეტენდენტმა კომპანიამ/კომპანიებმა ადგილზე შეისწავლონ შენობის მდგომარეობა, სადაც უნდა ჩატარდეს სარემონტო სამუშაოები.

2.3. შესყიდვის ობიექტის მიწოდების ადგილი: ქ. თბილისი, ძმ. ზუბალაშვილების ქ. №32, (საქართველოს უზენაესი სასამართლო).

2.4. სამუშაოების მიწოდების პროცესში გამოყენებული მასალები და მოწყობილობები უნდა იყოს უმაღლესი ხარისხის და ვიზუალურ - ტექნიკური მახასიათებლები (ხარისხი, ფაქტურა, ფერი და სხვა) წინასწარ უნდა შეთანხმდეს შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან მიწოდებული სამუშაო არ შეესაბამება აღიარებულ სტანდარტებს და შემსყიდველის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისთვის მისაღები მასალა და მოწყობილობა.

2.5. პრეტენდენტს უნდა გააჩნდეს ანალოგიური ხასიათის, სირთულისა და შინაარსის სამუშაოების გამოცდილება (სამშენებლო სამუშაოები და/ან შენობის რეაბილიტაცია) ბოლო 3 სრული წლის (2013 – 2015) განმავლობაში. სისტემის მეშვეობით წარმოდგენილი უნდა იყოს ამავე პერიოდში გაფორმებული ხელშეკრულებები და ამ ხელშეკრულებების საფუძველზე ჩატარებული სამუშაოების დასრულების დამადასტურებელი დოკუმენტების ასლები მინიმუმ 1 000 000 ლარზე (სამუშაოების შესრულების აქტი, ან/და შესრულებული სამუშაოების მიღება-ჩაბარების აქტი, ან/და დამკვეთის მიერ გაცემული შესრულებული სამუშაოების დამადასტურებელი ცნობა).

2.6. 2.5. პუნქტში აღნიშნული დოკუმენტაცია სისტემაში ატვირთული უნდა იყოს სატენდერო წინადადებასთან ერთად.

2.7. ფასების ცხრილში (ხარჯთაღრიცხვა - დანართი N1) საერთო და ერთეულის ფასები გამოსახული უნდა იყოს დღგ-ს ჩათვლით, ასევე, საქართველოს კანონმდებლობით გათვალისწინებული ყველა გადასახადისა და შესყიდვის ობიექტის მიწოდებასთან დაკავშირებული პრეტენდენტის ყველა ხარჯის მითითებით.

2.8. სამუშაოები უნდა დაიწყოს ხელშეკრულების გაფორმების დღიდან და დასრულდეს არაუმეტეს 30 სამუშაო დღის განმავლობაში.

2.9. გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 21 პუნქტის საფუძველზე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის წერილობითი მოთხოვნის საფუძველზე, პრეტენდენტმა უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი ექსპერტიზის დასკვნა შესყიდვის ობიექტის მიწოდებასთან დაკავშირებით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ექსპერტიზის დასკვნა გაცემული უნდა იყოს სსიპ ლევან სამხარაულის სასამართლო ექსპერტიზის ეროვნული ბიუროს ან შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ (სისტემაში ატვირთული უნდა იყოს დასკვნის გამცემი პირის აკრედიტაციის დამადასტურებელი დოკუმენტი).

შენიშვნა

უზენაესი სასამართლოს შენობა აშენებულია 1894 წელს და ირიცხება ჩვენი ქვეყნის მატერიალური კულტურის ძეგლთა რიცხვში.

პრეტენდენტმა უნდა გაითვალისწინოს, რომ დერეფნებისა (ჰოლი) და ოთახების სიმაღლეა დაახლოებით 4-4,5 მეტრი.

გამარჯვებულმა კომპანიამ სამუშაოების დაწყებამდე უნდა უზრუნველყოს იატაკისა და კედლების დაცვა დაზიანებიდან შესაბამისი მასალით.

ეტაპობრივი ან/და წინასწარი ანგარიშსწორება არ განხორციელდება.

ანგარიშსწორება განხორციელდება ფაქტიურად შესრულებული სამუშაოების - ფორმა №2-ის შესაბამისად.

საგარანტიო ვადა – მიღება-ჩაბარების აქტის გაფორმებიდან არანაკლებ 36 (ოცდათექვსმეტი) თვე.

პრეტენდენტს არა აქვს უფლება წარმოადგინოს ალტერნატიული სატენდერო წინადადება.

3. პრეტენდენტის სატენდერო წინადადება უნდა შეიცავდეს შემდეგ დოკუმენტებს:

- ა) პრეტენდენტის სრული დასახელება და რეკვიზიტები.
- ბ) ორგანიზაციის ხელმძღვანელის ან უფლებამოსილი პირის სახელი და გვარი.
- გ) საკონტაქტო პირის (სახელი, გვარი) ტელეფონის ნომერი და ელ. ფოსტის მისამართი.
- დ) ორგანიზაციის ხელმძღვანელის ან უფლებამოსილი პირის მიერ ხელმოწერილი და ბეჭდით დამოწმებული ტექნიკური პირობების შესაბამისად შედგენილი ფასების ცხრილი (ხარჯთაღრიცხვა - დანართი №1), რაოდენობის, ერთეულისა და საერთო ღირებულების მითითებით.
- ე) სატენდერო დოკუმენტაციის მე-2 მუხლის 2.5. პუნქტში აღნიშნული დოკუმენტაცია.
- ვ) სატენდერო წინადადების შევსებული ფორმა – დანართი №2 .

შენიშვნა

გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად (ასეთის არსებობის შემთხვევაში) დაფიქსირებული საბოლოო ფასების ცხრილი (ხარჯთაღრიცხვა - დანართი №1).

ფასების ცხრილი წარმოადგენს ხელშეკრულების განუყოფელ ნაწილს.

4. სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2016 წელი

ერთის მხრივ საქართველოს უზენაესი სასამართლო (შემდგომში „შემსყიდველი“) წარმოდგენილი მისი საფინანსო-სამეურნეო განყოფილების უფროსის ივანე კაპანაძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის (SPA) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.
- 1.3. „შემსყიდველი“ – ორგანიზაცია, რომელიც ახორციელებს სამუშაოს შესყიდვას.
- 1.4. „მიმწოდებელი“ – პირი, რომელიც ახორციელებს სამუშაოს ხელშეკრულების ფარგლებში.

2. ხელშეკრულების საგანი

- 2.1. უზენაესი სასამართლოს შენობაში მიმწოდებელი ჩაატარებს სარემონტო სამუშაოებს.
- 2.2. ხელშეკრულებით გათვალისწინებული სარემონტო სამუშაოების (CPV45410000; CPV45420000; CPV45430000; 45440000; 45450000) სრული აღწერა მოცემულია სატენდერო დოკუმენტაციის ტექნიკურ პირობებში და მიმწოდებლის სატენდერო წინადადებაში (ფასების ცხრილი), რომლებიც წარმოადგენენ ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ----- (-----) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

4.1. შესყიდული სამუშაოს ღირებულების ანაზღაურება განხორციელდება ფასების ცხრილში (ხარჯთაღრიცხვა - დანართი №1) მითითებული ფასების შესაბამისად, უნაღდო ანგარიშსწორებით, სამუშაოს შესყიდვის შემდეგ, საანგარიშსწორებო დოკუმენტაციის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. ანგარიშსწორების ვადა/გრაფიკი – შესაბამისი საანგარიშსწორებო დოკუმენტაციის გაფორმებიდან არაუმეტეს 7 (შვიდი) სამუშაო დღის განმავლობაში.

5. მიღება-ჩაბარების წესი

5.1. სამუშაოები უნდა დაიწყოს ხელშეკრულების გაფორმების დღიდან და დასრულდეს არაუმეტეს 30 სამუშაო დღის განმავლობაში.

5.2. სარემონტო სამუშაოების ჩატარების ადგილი: ქ.თბილისი, მმ. ზუბალაშვილების ქ. №32 (საქართველოს უზენაესი სასამართლო).

5.3. სამუშაო ჩაითვლება მიღებულად მხოლოდ მხარეთა მიერ გაფორმებული საანგარიშსწორებო დოკუმენტაციის ხელმოწერის შემდეგ.

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.2. შემსყიდველი ვალდებულია:

ა) უზრუნველყოს მიმწოდებლის მიერ შესყიდული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი უფლებამოსილია:

ა) მოსთხოვოს შემსყიდველს შესყიდული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) შეასრულოს სამუშაო ტექნიკური უსაფრთხოების, მოქმედი ნორმებისა და წესების დაცვით, სათანადო ხარისხითა და სრული მოცულობით იმ ვადაში, რომელიც მითითებულია წინამდებარე ხელშეკრულებაში.

ბ) შემსყიდველის მიერ გამოყოფილ კოორდინატორთა ჯგუფთან შეთანხმოს მასალების ხარისხი, ფაქტურა, ფერი და სხვა ძირითადი მახასიათებლები (წარმოადგინოს ნიმუშები) და მხოლოდ კოორდინატორების მხრიდან ნიმუშების არჩევის შემდეგ განახორციელოს მათი მონტაჟი.

გ) სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო.

დ) სამუშაოების დასრულებიდან 36 (ოცდათექვსმეტი) თვის განმავლობაში, რაიმე წუნის აღმოჩენის შემთხვევაში, თუ დადგინდება, რომ აღნიშნული წუნი გამოწვეულია მიმწოდებლის მიზეზით, გონივრულ ვადაში საკუთარი ხარჯებით შეასრულოს აღდგენითი სამუშაოები საქართველოს კანონმდებლობით დადგენილი წესით.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებენ შემსყიდველის მიერ გამოყოფილი კოორდინატორები – საფინანსო-სამეურნეო განყოფილების უფროსი კონსულტანტი ადმინისტრაციული შენობის ნაწილში გაბრიელ კლდეისელი და კონსულტანტი კახაბერ ჯალაღონია.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად შესასყიდი სამუშაოს რაოდენობის, მიწოდების ვადებისა და ხარისხის კონტროლს.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს – მაჟორი)

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში,

მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით – შეუსრულებელი ვალდებულების 0,1%-ის ოდენობით ყოველ გადაცილებულ დღეზე.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1. ხელშეკრულება ძალაში შედის 2016 წლის ----- და მოქმედებს 2016 წლის ---
----- მდე.

13. სხვა პირობები

13.1. წინამდებარე ხელშეკრულება შედგენილია თანაბარი იურიდიული ძალის მქონე 3 (სამი) ეგზემპლარად (ორი შემსყიდველს, ერთი მიმწოდებელს).

მხარეთა რეკვიზიტები

შემსყიდველი:	მიმწოდებელი
საქართველოს უზენაესი სასამართლო ს/კ 203 860 508 ქ. თბილისი, ძმ. ზუბალაშვილების ქ. 32 ტელ/ფაქ: 299 09 62; 292 18 35; 577 55 77 37. ელ. მისამართი: temuri07@yahoo.com ანგარიში: სახელმწიფო ხაზინა კოდი TRESGE22 ანგ. №GE24NB0330100200165022	

დანართი №2

ს ა ტ ე ნ დ ე რ ო წ ი ნ ა დ ა დ ე ბ ა

თარიღი: -----

ვის: -----

(შემსყიდველი ორგანიზაციის დასახელება)

ვისგან: -----

(პრეტენდენტის დასახელება და მისამართი)

შევისწავლეთ რა სატენდერო დოკუმენტაცია თანახმა ვართ სატენდერო დოკუმენტაციის შესაბამისად განვახორციელოთ -----

(მომსახურების აღწერა)

გაწევა და გთავაზობთ ზემოაღნიშნულის შესრულებას შემდეგ ფასად:

----- ლარი.

(ციფრებით)

(სიტყვიერად)

ჩვენი სატენდერო წინადადების გამარჯვების შემთხვევაში, ვიღებთ ვალდებულებას დავიწყოთ და დავასრულოთ სამუშაოები ხელშეკრულების პირობების შესაბამისად.

წინამდებარე სატენდერო წინადადება ძალაშია მისი სისტემაში ატვირთვის დღიდან და მოქმედებს „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

სატენდერო წინადადებას თან ახლავს შემდეგი დანართები (გვერდების რაოდენობის მითითებით):

- 1.
- 2.
- 3.
- .
- .

(ხელმოწერა)

(თანამდებობა)

(პრეტენდენტის დასახელება)